

**Protocol da la sezzüda dal Cussagl cumünal da lündeschi,
29 gün 2009, a las 20.00, acta 22**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Mario Riatsch (tractanda 185)
Patrizia Wieser (protocol)

Tractandas:

185. Infuormaziuns dal silvicultur Mario Riatsch

Infuormaziuns

Il capo bivgnainta a nos silvicultur, chi'd es preschaint per quista tractanda. El infuormescha cha'l departamaint forestal fa adöver d'ün remuorch grond per manar laina sün vias plü strettas o per far transports e sortir laina dad arder in cumün. Il remuorch vegl d'eira in ün stadi chi nu's pudaiva plü douvrar. Il tal ha pudü gnir vendü per ün predsch da fr. 2'000.--. Per l'on 2009 es gnü büdgettà fr. 30'000.-- per pudair cumprar ün nouv remuorch. Intant as haja dat, cha sar Jachen Andri Schmidt ha cumprà sün basa privata ün tal remuorch. El es pront da dar a fit al cumün seis remuorch sco segua: fr. 30.-- l'ura sainza manaschunz e tractor. Scha'l cumün surdà lavurs vaglian las seguaintas tarifas: fr. 123.-- l'ura sün vias pitschnas, ingio chi nu's po ir cun camiuns e fr. 110.-- l'ura sün vias adattadas per sur 18 tonnaschas. Cun quai nu faja dabsögn cha'l cumün cumpra svess ün char.

Implü orientescha il silvicultur a regard il rumir naiv da las vias cumünalas. In avegnir es nos manader technic respunsabel per la rumida da naiv da tuot las vias chi's rechattan a schnestra da l'En ed il silvicultur es respunsabel per las vias a dretta da l'En.

Il schef da fabrica orientescha cha'l bagger nouv cumünal nu das-cha gnir dat a fit ad ingüns privats. Quel das-cha gnir douvrà be per adöver cumünal.

186. Protocol

Protocol

Il Cussagl cumünal approva il protocol da la sezzüda dals 22 gün 2009, acta 21.

187. Permiss da fabrica – Albert Lanter – Sanaziun dal tet, chasa Davo Stron 277

Permiss da fabrica,
Albert Lanter, sanaziun
tet, Davo Stron 277

Sün dumonda da sar Albert e la conferma dals vaschins da nu far recuors, decida il Cussagl cumünal da dar il permiss anticipà pel intent manzunà cul resalv, da stuvair trar las consequenzas schi vessan dad entrar listess protestas.

188. Reparatura via Archas Sura – credit fr. 28'700.--

Reparatura via Archas
credit fr. 28'700.--

Il Cussagl cumünal decida da dar liber ün credit da fr. 28'700.-- per refar la via in Archas Sura. Quista lavur po gnir manada tras pür al maumaint chi'd es gnü trat aint il cabel electric, quai voul dir cuort avant l'inviern.

189. Surdatta da lavur indriz fotovoltaic - Palüzot

SL fotovoltaic
Palüzot

Davo avair tut cogniziun da las spiegaziuns dal schef da god, decida il Cussagl cumünal da surdar la lavur pel indriz fotovoltaic in Palüzot a la firma Solarstatt GmbH da Cuaira, per ün predsch d'offerta net da fr. 386'225.90 incl. ipv. Quista firma raggiundscha ils plü blers puncts tenor la valütaziun d'offertas. Ils criteris sun gnüts valtütats tenor la glista d'evalua-zion. Quista surdatta segua culla resalva cha la lavur vegna subvenziunada dal chantun.

190. Elecziun cumischiun da sauaziun

Davo avair tut cogniziun da las spiegaziuns dal schef da god vain eletta la cumischiun da sauaziun sco segua:

- Men Luppi
- Curdin Horber e
- Jachen Zanetti

Sar Curdin Horber vain elet implü sco manader da gestiun per la cumischiun da sauaziun. Sias expensas vegnan indemnisadas cun fr. 27.-- l'ura. Las sezzüdas da la cumischiun vegnan indemnisadas tenor il reglamaint per la remuneraziun dals ufficiants cumünals.

191. Lavurs d'infrastructura Palüds da Sala – Credit fr. 79'000.--

Per cha sar Rüedi possa cumanzar culla fabrica da sia chasa illa Palüds da Sala, es il cumün in dovair da spostar la chanalisaziun cumünala e la lingia electrica chi passa tras il s-chavd. Davo avair dudi las spiegaziuns dal schef da fabrica propuona il Cussagl a la radunanza cumünala dals 9 lügl da far bun il credit da fr. 79'000.-- per quist intent.

193. Varia

Il capo manzuna ch'el haja constattà in üna discussiun cun trais fittaders d'abitaziuns da vacanzas cha pel mumaint saja avantman üna gronda malcuntantezza invers l'ESTAG. Els han l'impreschiun chi saja hoz plü difficil da dar a fit abitaziuns sco chi d'eira avant. El fa la proposta chi gnia, davo avair infuormà a l'ESTAG, organisada üna sairada per tuot ils fittaders ed oters interessents insembel culs rapreschantants da l'ESTAG per pudair infuormar e discutir la chosa.

Elecziun cumischiun
da sauaziun

Lavurs d'infrastructura
Palüds da Sala
credit da fr. 79'000.--

Varia

Fin da la sezzüda: 23.10

Per l'actuar: